



Bosnia and Herzegovina
Federation of Bosnia and Herzegovina
CANTON SARAJEVO ASSEMBLY

**Komisija za obilježavanje, čuvanje i
njegovanje historijskih događaja i ličnosti**

Broj: 01-04-32185-3/20
Sarajevo, 10.09.2020. godine

SKUPŠTINA KANTONA SARAJEVO
n/r Predsjedavajućeg


SLUŽBA ZA SKUPŠTINSKE POSLOVE
n/r Sekretara

PREDMET : Prijedlog odluke o davanju naziva saobraćajnici u izgradnji (I Transverzala) na području Općine Centar – dostavlja se

U prilogu akta dostavljamo Vam Prijedlog odluke o davanju naziva saobraćajnici u izgradnji (I Transverzala) na području Općine Centar.

Predlažemo da Skupština u skladu sa Poslovníkom Skupštine Kantona Sarajevo donese navedenu Odluku.

S poštovanjem,



PREDSJEDAVAJUĆI KOMISIJE
Elvis Vreto



web: <http://skupstina.ks.gov.ba>
e-mail: skupstina@skupstina.ks.gov.ba;
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina
CANTON SARAJEVO ASSEMBLY

Na osnovu člana 5. Odluke o obilježavanju ulica, trgova, parkova, mostova, institucija i ustanova imenima i zgrada brojevima na području Kantona Sarajevo ("Službene novine grada Sarajeva", broj: 7/94) i ("Službene novine Kantona Sarajevo", broj: 12/06), na prijedlog Komisije za obilježavanje, čuvanje i njegovanje historijskih događaja i ličnosti, Skupština Kantona Sarajevo na sjednici održanoj dana _____ donijela je

PRIJEDLOG

ODLUKU
o davanju naziva saobraćajnici u izgradnji (I Transverzala)
na području Općine Centar

I

Davanje naziva saobraćajnici u izgradnji (I Transverzala) na potezu od raskrsnice sa ulicom Kranjčevićeva do raskrsnice sa ulicom Braće Begić, područje Općine Centar, koja glasi:

"Mustafa Hajrulahović-Talijan".

II

Nadležni organ uprave Općine Centar dužan je da u što kraćem roku izvrši davanje naziva saobraćajnici, a Kantonalni zavod za planiranje razvoja Kantona dužan je u roku od 8 dana uvrstiti u Registar ulica, trgova, mostova, parkova, institucija i ustanova, naziv iz tačke I ove odluke.

III

Ova odluka objavit će se u „Službenim novinama Kantona Sarajevo“.

Broj:
Sarajevo:

PREDSJEDAVALAČI
SKUPŠTINE KANTONA SARAJEVO

Mirza Čelik



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina
CANTON SARAJEVO ASSEMBLY

OBRAZLOŽENJE

Komisija za obilježavanje, čuvanje i njegovanje historijskih događaja i ličnosti Skupštine Kantona Sarajevo na sjednici održanoj dana 10.09.2020.godine je razmatrala Mišljenje Općinskog Vijeća Centar kao i Zaključak Općinskog Vijeća Centar o davanju naziva saobraćajnici u izgradnji (I Transverzala) na području Općine Centar, iste usvojila, utvrdila Prijedlog ove odluke, i istu uputila u skupštinsku proceduru s cjelokupnom dokumentacijom na razmatranje i usvajanje.

Popratna dokumentacija



web: <http://skupstina.ks.gov.ba>
e-mail: skupstina@skupstina.ks.gov.ba;
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1






BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO

OPĆINA CENTAR SARAJEVO

Stručna služba za poslove Općinskog vijeća

Broj:01-19-601/20
Datum, 07.02.2020.godine



KANTON SARAJEVO
Predsjedavajući Skupštine Kantona

Predmet: Mišljenje,
-dostavlja se -

Općinsko vijeće Centar Sarajevo je na Pedesetoj redovnoj sjednici održanoj dana 05.02.2020.godine dalo suglasnost da se dodjeli naziv saobraćajnici u izgradnji (I Transverzala) na području Općine Centar Sarajevo, u naziv „Mustafa Hajrulahović-Talijan“.

U prilogu, ostavljamo predmetno Mišljenje sa popratnom dokumentacijom na dalje postupanje.

S poštovanjem,

SEKRETAR

ČLOG VIJEĆA

Dostaviti:

1. Naslovu
2. Služba za investicije, komunalni razvoj i planiranje Općine Centar Sarajevo
3. Evidencija
4. a/a





BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Grad Sarajevo
OPĆINA CENTAR SARAJEVO
Općinsko vijeće

Broj:01-19-601/20
Datum:06.02.2020.godine

Na osnovu čl. 10. i 68. Statuta Općine Centar Sarajevo („Službene novine Kantona Sarajevo“, broj 23/04), člana 87. Poslovnika Općinskog vijeća Centar Sarajevo („Službene novine Kantona Sarajevo“, broj 23/04, 11/13, 13/17, 24/19 i 31/19), Člana 7. Odluke o obilježavanju ulica, trgova, parkova, mostova, institucija i ustanova imenima i zgrada brojevima na području Kantona Sarajevo („Službene novine Grada Sarajevo“, br. 7/94 i 12/06), i Člana 2. Pravilnika o utvrđivanju ili promjeni imena ulica, trgova, parkova, mostova, institucija, ustanova, naselja, lokaliteta i drugih objekata na području općine Centar („Službene novine Kantona Sarajevo“, broj 45/17) Općinsko vijeće Centar Sarajevo je na Pedesetoj redovnoj sjednici održanoj dana 05.02.2020.godine, razmotrilo inicijativu Udruženja boksaerski klub „Zlatni ljiljan“ Sarajevo za imenovanje saobraćajnice u izgradnji (I Transverzala) na potezu od raskrsnice sa ulicom Kranjčevićeva do raskrsnice sa ulicom Braće Begić dodijeli ime „Mustafa Hajrulahović-Talijan“ i dalo

MIŠLJENJE

Općinsko vijeće Centar Sarajevo je saglasno sa inicijativom Udruženja boksaerski klub „Zlatni ljiljan“ Sarajevo i Zaključkom Općinskog vijećnika Centar Sarajevo Topić Dževada, za dodjelu naziva saobraćajnici u izgradnji (I Transverzala) na području Općine Centar Sarajevo, u naziv „Mustafa Hajrulahović-Talijan“.

OBRAZLOŽENJE

Udruženje boksaerski klub „Zlatni ljiljan“ Sarajevo podnio je Inicijativu da se saobraćajnici u izgradnji (I Transverzala) na potezu od raskrsnice sa ulicom Kranjčevićeva do raskrsnice sa ulicom Braće Begić dodijeli naziv „Mustafa Hajrulahović-Talijan“.

Mustafa Hajrulahović Talijan je rođen 22.januara 1957.godine u Banja Luci, gdje je završio osnovnu i srednju školu.Mornaričku vojnu akademiju završio je 1979.godine, kada je raspoređen u Divizion pomorskih diverzanata, gdje je obavljao dužnost komandanta.Bivšu JNA napustio je 1991.godine, kada se u Patriotskoj ligi BiH među prvima uključio u pripreme i organizovanje otpora. U toku odbrambeno oslobodilačkoga rata obavljao je dužnost komandanta Regionalnog štaba Teritorijalne odbrane Sarajeva, komandanta 1.korpusa Armije RBiH i dužnost načelnika Obavještajne uprave Generalštaba Armije RBiH.

Borac i komandant, nerazdvojni saborac i drug prvih branilaca Sarajeva, Talijan je iza sebe ostavio veliko djelo dostojno pamćenja i poštovanja, ušavši u legendu i među velikane koji su obilježili historiju glavnog grada Bosne i Hercegovine.Umro je 8 marta 1998.godine i sahranjen je uz sve počasti u haremu Alipašine džamije u Sarajevu.

Komisija za javna priznanja i obilježavanje historijskih događaja i ličnosti nakon podnesene inicijative je na 54.sjendici donijela Zaključak da shodno Članu 3. Pravilnika o utvrđivanju ili

promjeni imena ulica, trgova, parkova, mostova, institucija, ustanova, naselja, lokaliteta i drugih objekata na području općine Centar, inicijativu dostavi Savjetima mjesnih zajednica „Marijin Dvor“, „Crni Vrh-Gorica“ i „Koševsko brdo“, radi konsultovanja sa Zborom građana. Savjeti mjesnih zajednica „Marijin Dvor“, „Crni Vrh-Gorica“ i „Koševsko brdo“ dostavili su Komisiji za javna priznanja i obilježavanje historijskih događaja i ličnosti Zaključke sa održanih Zborova građana, a na kojem su građani mjesnih zajednica konsultovani o podnešenoj inicijativi te je jednoglasno prihvaćeno da se saobraćajnica u izgradnji (I Transverzala) na potezu od raskrsnice sa ulicom Kranjčevićeva do raskrsnice sa ulicom Braće Begić imenuje u naziv „Mustafa Hajrulahović-Talijan“.

Na Pedesetoj redovnoj sjednici Općinskog vijeća Centar, prilikom razmatranja dostavljenog materijala za imenovanje saobraćajnice u izgradnji (I Transverzale) Općinski vijećnik Topić Dževad predložio je Zaključak da saobraćajnica u izgradnji (I Transverzala) na teritoriji Općine Centar nosi naziv „Mustafa Hajrulahović Talijan“. Općinsko vijeće je sa 21 (dvadeset jednim) glasom "ZA" usvojilo zaključak Općinskog vijećnika Topić Dževada.

Uvažavajući provedenu proceduru po navedenom Pravilniku Komisija kompletan materijal i Prijedlog Mišljenja za imenovanje saobraćajnice u izgradnji (I Transverzale) na području Općine Centar Sarajevo dostavlja Općinskom vijeću na razmatranje i usvajanje.



DOSTAVITI:

1. Komisija za obilježavanje, čuvanje i njegovanje historijskih događaja i ličnosti Skupštine Kantona Sarajevo
2. Služba za investicije, komunalni razvoj i planiranje
3. Evidencija,
4. a/a.



BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Grad Sarajevo
OPĆINA CENTAR SARAJEVO
OPĆINSKO VIJEĆE

Broj: 01-50-5/20

Datum: 05.02.2020.godine

Na osnovu člana 13.Zakona o principima lokalne samouprave Federacije Bosne i Hercegovine („Službene novine Federacije BiH“, broj:49/06), čl. 10 i 68. Statuta Općine Centar Sarajevo - prečišćeni tekst („Službene novine Kantona Sarajevo“, broj 23/04) te čl. 87. i 92. Poslovnika Općinskog vijeća Centar Sarajevo („Službene novine Kantona Sarajevo“, broj:23/04, 11/13, 13/17, 24/19 i 31/19) Općinsko vijeće Centar Sarajevo, na Pedesetoj redovnoj sjednici održanoj 05.02.2020.godine, razmatralo je **Prijedlog Mišljenja za imenovanje saobraćajnice u izgradnji (I Transverzala) na potezu od raskrsnice sa ulicom Kranjčevićeva do raskrsnice sa ulicom Braće Begić, u ime „Mustafa Hajrulahović-Talijan“**

Z a k l j u č a k

Općinsko vijeće je sa 21 (dvadeset jednim) glasom "ZA" usvojilo Zaključak Općinskog vijećnika Dževada Topića da saobraćajnica u izgradnji (I Transverzala) na teritoriji Općine Centar nosi naziv „Mustafa Hajrulahović Talijan“ i Mišljenje za imenovanje saobraćajnice u izgradnji (I Transverzala) na teritoriji Općine Centar nosi naziv „Mustafa Hajrulahović Talijan“.





BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Grad Sarajevo

OPĆINA CENTAR SARAJEVO
Općinsko vijeće

Komisija za javna priznanja i obilježavanje historijskih događaja i ličnosti

Na osnovu člana 10. Statuta Općine Centar Sarajevo („Službene novine Kantona Sarajevo“ broj 23/04) i člana 44. Poslovnika Općinskog vijeća („Službene novine Kantona Sarajevo“, broj 23/04, 11/13, 13/17, 24/19 i 31/19), Komisija za javna priznanja i obilježavanje historijskih događaja i ličnosti je na Pedeset devetoj sjednici jednoglasno donijela

ZAKLJUČAK

- I. Utvrđuje se Prijedlog Mišljenja za imenovanje saobraćajnice u izgradnji (I Transverzala) na potezu od raskrsnice sa ulicom Kranjčevićeva do raskrsnice sa ulicom Braće Begić, u ime „Mustafa Hajrulahović-Talijan“.
- II. Predlaže se Općinskom vijeću da Mišljenje razmotri i usvoji u predloženom tekstu.

Predsjednica Komisije

vera brigić



Naš znak : 04 / 19
Sarajevo, 27.05.2019. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA CENTAR SARAJEVO
Komisija za javna priznanja i obilježavanje
historijskih događaja i ličnosti

PRIJEDLOG / INCIJATIVA ZA DAVANJE NAZIVA ULICE

Vrlo poštovani,

Ovim putem obraćamo Vam se kao Udruženje Bokserski klub "Zlatni ljiljani", sa Prijedlogom odnosno incijativom za davanje naziva jedne od ulica na području Općine Centar Sarajevo, po velikom čovjeku, komadantu i prvom braniocu ovog grada divizijskom generalu Mustafi Hajrulahoviću - Talijanu.

Ukratko o našem klubu, Bokserski klub "Zlatni ljiljani" je osnovala grupa bokserskih entuzijasta u najteže ratno vrijeme uz pomoć vojnih rukovodioca 27. septembra 1992. godine. Mi smo prvi sportski klub u Bosni i Hercegovini osnovan i registrovanu toku agresije na našu zemlju.

U periodu velikih teškoća dokazano je da se i u najtežem ratnom periodu uporedo sa oružanom borbom mogu ostvarivati veliki rezultati i na sportskom planu uspješno organizovati revije i turniri tako prkositi agresoru.

Dužnost prvog predsjednika kluba obavljao je rahmetli Mustafa Hajrulahović — Talijan komandant Prvog korpusa Armije Republike Bosne i Hercegovine, jedan od najzaslužnijih za odbranu Sarajeva od agresora te za opstanak bokserskog sporta u gradu Sarajevu.

Bokserski klub " Zlatni ljiljani " ustaje sa Prijedlogom odnosno incijativom za davanje naziva ulice, po divizijskom generalu Mustafi Hajrulahoviću - Talijanu.

Mi, kao bokserski klub, a i kao rezidenti naše Općine Centar, i općenito grada Sarajeva, smo neprijatno iznenadjeni činjenicom da tako veliki čovjek, nema svoju ulicu, odnosno ulicu u ovom gradu imenovanu po takvom velikanu, dobitniku najvećih ratnih priznanja, koji je ostavio značajan i neizbrisiv doprinos odbrani našeg grada i države.

Iako smo svi upoznati kroz period agresije na BiH, a i poslije nje, sa veličinom generala Mustafe Hajrulahovića Talijana, ovim putem podsjećamo o kakvoj historijskoj ličnosti se radi.

Mustafa Hajrulahović Talijan je rođen 22. januara 1957. godine u Banja Luci, gdje je završio osnovnu i srednju školu. Mornaričku vojnu akademiju, smjer telekomunikacije, završio je 1979. godine, kada je rasporedjen u Divizion pomorskih diverzanata, gdje je obavljao dužnost komandanta. Bivšu JNA napustio je 1991. godine, kada se u Patriotskoj ligi BiH među prvima uključio u pripreme i organizovanje odbrane.

U toku odbrambeno oslobodilačkog rata obavljao je dužnost komandanta Regionalnog štaba Teritorijalne odbrane Sarajeva, komandanta 1. korpusa Armije RBiH, dužnost načelnika Obavještajne uprave Generalštaba Armije RBiH.

Borac i komandant, nerazdvojni saborac i drug prvih branilaca Sarajeva, Talijan je iza sebe ostavio veliko djelo dostojno pamćenja i poštovanja, ušavši u legendu i među velikane koji su obilježili historiju glavnog grada Bosne i Hercegovine.

Sarajevo će dugo pamtititi posljednji ispraćaj legendarnog Talijana, kada je stotinu hiljada građana Sarajeva i BiH, svojim prisustvom iskazalo poštovanje ratnom komandantu odbrane Grada.

U izuzetno teškim i složenim vremenima u kojima su se na najbrži i najlakši način gubili i obraz pamet, Talijan je na najvećoj visini sačuvaio i jedno i drugo.


Smion, odlučan i hrabar, ponekad i preko svake mjere, Mumo je bio i ostao oličenje čestitosti, poštenja i dostojanstva, uprkos svim iskušenjima kroz koja je prolazio. Njegova neuništiva snaga prisebnost u svakom trenutku bili su ono što je pri svakom kontaktu s njim plijenilo, hrabrilo i bodrilo.

S narodom i uz narod, uvijek svjestan prevelike odgovornosti koju je stoički nosio na svojim plećima, postao je simbol Sarajeva i za kratko vrijeme dio njegovog ratnog života, njegovih tragedija, njegovih i uspona i padova.

Teški trenuci iznjedre velikane, ljude koji svojom veličinom, karakterom plijene pažnju i čine velika djela, General je svojim dostignućima zadužio ovaj grad, kako grad tako i njegove stanovnike, te ovom prilikom Vam se i obraćamo, da ovaj Prijedlog razmotrite, i da istom udovoljite, te da jednu od ulica u Općini Centar imenujete po generalu Mustafi Hajrulahoviću Talijanu jer prostim ljudskim razmišljanjem svi smo svjesni da taj čovjek to i zaslužuje.

DOSTAVLJENO : Naslovu
a / a

Sarajevo, 28.05.2019.



**PREDSJEDNIK
UPRAVNOG ODBORA
Pašić Hajrudin**

UDRUŽENJE
BOKSERSKI
KLUB



zlatni
LJILJANI
Bosna i Hercegovina
SARAJEVO
OPĆINA CENTAR

Mis Irbina br.10, Sarajevo, tel. 033/246-325, Ž.R. 338-900-22079/51-20, ID broj: 4200762300008

Primljen: 17.10.2019	Prilog: Vi.
01-49-12621	Prilog: Vi.

Naš znak : 16 / 19
Sarajevo, 11.10.2019. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA CENTAR SARAJEVO
Komisija za javna priznanja i obilježavanje
historijskih događaja i ličnosti

INCIJATIVA ZA DODJELU NAZIVA ULICE

Poštovani,

u vezi sa Inicijativom za dodjelu naziva ulice na području Općine Centar Sarajevo, upućenoj od strane Udruženje boksaerski klub „Zlatni ljiljani“ –Sarajevo ,dana 27.05.2019., po velikom čovjeku, divizijskom generalu Mustafi Hajrulahoviću - Talijanu, obraćamo vam se sa prijedlogom da saobraćajnici u izgradnji (Prva transverzala), na potezu od raskrsnice sa ulicom Kranjčevićeva do raskrsnice sa ulicom Braće Begić, dodjelite naziv "Ulica Mustafe Hajrulahovića - Talijana".

Zvahvaljujemo Vam se na saradnji te se nadamo da će naša inicijativa biti uvažena.

S poštovanjem,

PREDSJEDNIK
OPĆINSKOG ODBORA



Pašić Hajrudin

DOSTAVLJENO :Naslovu
a/ a
Sarajevo, 11.10.2019. godine



BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Grad Sarajevo

OPĆINA CENTAR SARAJEVO

Općinsko vijeće

Komisija za javna priznanja i obilježavanje historijskih događaja i ličnosti

Broj: 01-54-1/19

Datum: 06.11.2019.godine

-Savjet mjesne zajednice „Marijin Dvor“
n/r predsjednika Savjeta MZ
-Savjet mjesne zajednice „Crni Vrh-Gorica“
n/r predsjednika Savjeta MZ
- Savjet mjesne zajednice „Koševsko brdo“
n/r predsjednika Savjeta MZ

Predmet: Dostava inicijative

-dostavlja se-

Komisija za javna priznanja i obilježavanje historijskih događaja i ličnosti na 54.sjendici je razmatrala inicijativu Udruženja bokserski klub „Zlatni ljiljan“ za imenovanje saobraćajnice u izgradnji (Prva Transverzala) na potezu od raskrsnice sa ulicom Knjačevićeva do raskrsnice sa ulicom Braće Begić dodijeli naziv „Ulica Mustafe Hajrulahovića-Talijana“.

S tim u vezi, dostavljamo Vam navedenu inicijativu kako bi u skladu sa Pravilnikom o utvrđivanju ili promjeni imena ulica, trgova, parkova, mostova, institucija, ustanova, naselja, lokaliteta i drugih objekata na području Općine Centar (Sl. novine KS br.: 45/17), putem Savjeta mjesne zajednice sazvali Zbor građana radi konsultovanja o podnijetoj inicijativi.

Nakon prijema navedene inicijative molimo vas da postupite u skladu sa Članom 4. Pravilnika o utvrđivanju ili promjeni imena ulica, trgova, parkova, mostova, institucija, ustanova, naselja, lokaliteta i drugih objekata na području Općine Centar

S poštovanjem,

Prilog:

1.Inicijativa.

2.Pravilnik o utvrđivanju ili promjeni imena ulica, trgova, parkova, mostova, institucija, ustanova, naselja, lokaliteta i drugih objekata na području Općine Centar (Sl. novine KS br.: 45/17)

Predsjednica Komisije

Mera Batić

Dostaviti:

2.
3.

Naslovu -Savjetu MZ „Marijin Dvor“,Crni Vrh-Gorica“ i „Koševsko brdo“,
Evidenciji,
a/a.

Broj: 08-492/19
Datum 20.12.2019. godine

Bosna i Hercegovina
TELEFON: 033/213-298
OPĆINA CENTAR
SARAJEVO

Priloga	23-12-2019	Vrijednost
01	49	2203

KOMISIJA ZA JAVNA PRIZNANJA I OBILJEŽAVANJE HISTORIJSKIH DOGAĐAJA I LIČNOSTI

PREDMET: Zaključak

Poštovani,

Dana 18.12.2019.godine održan je Zbor građana na kojem je jednoglasno donesen Zaključak da se podrži Inicijativa Udruženja bokserski klub „Zlatni ljiljan“ za imenovanje saobraćajnice u izgradnji (Prva transversala) na potezu od raskrsnice sa ulicom Kranjčevićeva do raskrsnice sa ulicom Braće Begić da se dodijeli naziv „Ulica Mustafe Hajrulahovića Talijana“.

ZA: **PREDSJEDNIK SAVJETA MZ**
Hamzić Tahir



DOSTAVLJENO:

1. Naslovu
2. Služba za civilnu zaštitu i mjesne zajednice
3. A/a



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA CENTAR SARAJEVO
Savjet mjesne zajednice "Crni vrh - Gorica"

Broj: 18-289/19
Datum 30.12.2019.godine

Općina Centar Sarajevo
Komisija za javna priznanja i obilježavanje historiskih događaja i ličnosti
Sarajevo

Predmet: Odgovor na inicijativu

Poštovana,

U vezi sa vašim aktom broj:01-54-1/19 od 06.11.2019. godine, obavještavamo Vas da je na **Zboru građana mjesne zajednice Crni Vrh – Gorica održanom dana 16.12.2019. godine jednoglasno data podrška** inicijativi da se Prva transverzala od raskrsnice sa ulicom Kranjčevićeva do raskrsnice sa ulicom Braće Begić, nazove imenom „Mustafe Hajrulahovića-Talijana“.

S poštovanjem,

PREDSJEDNIK SAVJETA MZ

Darko Katas

Dostaviti:

1. Naslovu
2. a/a

Broj: 09-166/19
Sarajevo, 06.12.2019.godine

• direktni 442-016

OPĆINA CENTAR SARAJEVO
OPĆINSKO VIJEĆE
Komisija za javna priznanja i obilježavanje
historijskih događaja i ličnosti

PREDMET: Zaključak, dostavlja se
Veza Vaš broj: 01-54-1/19 od 06.11.2019.g.

Poštovani,

Savjet MZ „Marijin Dvor“ je na 24. sjednici održanoj 28.11.2019.godine, razmatrao dostavljenu Inicijativu Udruženja građana Bokserski klub „Zlatni ljiljani“ da se saobraćajnici u izgradnji (Prva transversala), na potezu od raskrsnice sa Ul. Kranjčevićeva do raskrsnice sa Ul. Braće Begić, dodijeli naziv „Ulica Mustafe Harulahovića – Talijana“, nakon čega je jednoglasno donesen sljedeći:

ZAKLJUČAK

Savjet MZ „Marijin Dvor“ podržava navedenu inicijativu, ali ne smatra neophodnim sazivanje Zbora građana ove MZ radi konsultovanja o podnijetoj inicijativi, s obzirom da se predmetna dionica Prve transversale ne nalazi u obuhvatu MZ „Marijin Dvor“.

S poštovanjem,



DOSTAVLJENO:

1. Naslovu
2. Služba za civilnu zaštitu i mjesne zajednice
3. Arhiva